

梁



本草綱目草部目錄第十二卷

李時珍曰天造地化而草木生焉剛交于柔而成根荄柔交于剛而成枝幹葉萼屬陽華實屬陰由是草

中有木木中有草得氣之粹者為良得氣之戾者為毒故有五形焉金木水火土五氣焉香臭臊腥膻五色焉青赤黃白

五味焉酸苦甘辛鹹五性焉寒熱溫涼平五用焉升降浮沉中炎農嘗而辨之軒岐述而著之漢魏唐宋明賢良醫代

有增益但三品雖存淄澠交混諸條重出涇渭不分苟不察其精微審其善惡其何以權七方衡十劑而

寄死生耶于是翦繁去複繩繆補遺析族區類振綱分目除穀菜外凡得草屬之可供醫藥者六百一十

種分為十類曰山曰芳曰隰曰毒曰蔓曰水曰石曰苔曰雜曰有名未用舊本草部上中下三品共四百四十七種今併入三十一種移

二十三種入菜部三種入穀部四種入果部二種入木部自木部移併十四種蔓草二十九種菜部移併十三種果部移併四種外類有名未用共二百四十七種

神農本草經一百六十四種梁陶宏景註名醫別錄一百三十種陶宏景註有

名未用李氏藥錄一種魏李當之吳氏本草一種魏吳普

唐本草三十四種唐蘇恭藥性本草一種唐甄權本草拾遺六十八種唐陳藏器

食療本草二種唐孟詵海藥本草四種唐李珣四聲本草一種唐蕭炳

開寶本草三十七種宋馬志嘉祐本草十七種宋掌禹錫圖經本草五十四種宋蘇頌

